

An Chomhairle um Oideachas  
Gaeltachta & Gaelscolaíochta



---

Comórtas oscailte chun Beirt Oifigeach Oideachais Iar-Bhunscoile a cheapadh

**Leabhrán Eolais**

**Meán Fómhair 2022**

Beirt Oifigeach Oideachais Iar-Bhunscoile sa Chomhairle um Oideachas Gaeltachta agus Gaelscolaíochta (COGG)

## 1. An ceapachán

Bunaíodh an Chomhairle um Oideachas Gaeltachta agus Gaelscolaíochta (COGG) faoi fhorálacha Alt 31 den Acht Oideachais 1998 le comhairle a chur ar an Aire Oideachais agus ar an gComhairle Náisiúnta Curaclaim agus Measúnachta maidir le teagasc trí Ghaeilge sna bunscoileanna agus sna hiar-bhunscoileanna Gaeltachta agus lán-Ghaeilge agus maidir le teagasc na Gaeilge i scoileanna uile na tíre, chomh maith le soláthar áiseanna teagaisc a chomhordú, seirbhísí taca a chur ar fáil agus taighde a sheoladh.

Is mian le COGG beirt Oifigeach Oideachais Iar-Bhunscoile a cheapadh chun tacú leis an obair seo.

D'fhéadfadh, ach ní gá, gur ar bhonn iasachta a dhéanfar an ceapachán. Conradh dhá bhliain ar théarma seasta a bheidh i gceist.

## 2. Dualgais an phoist

Beidh na hOifigigh Oideachais Iar-Bhunscoile freagrach as:

- Comhordú ábhar teagaisc agus foghlama do gach ábhar curaclaim sna hiar-bhunscoileanna Gaeltachta agus lán-Ghaeilge. Tá réimse leathan forbairtí beartaithe ag leibhéal na Sraithe Sinsearaí as seo go ceann roinnt blianta agus beidh an té a cheapfar freagrach as téacsleabhair agus acmhainní teagaisc eile sna habhair reatha agus sna hábhair nuabheartaithe a phleanáil agus a chomhordú
- Ról leanúnach comhordaithe maidir le soláthar acmhainní do shonraíocht na Gaeilge T1 ag leibhéal na sraithe sóisearaí agus planáil chun cinn maidir le hathruithe curaclaim ag leibhéal na sraithe sinsearaí
- Comhairle a chur ar fáil don Phríomhfheidhmeannach agus don Bhord maidir le hacmhainní atá ar fáil nó le forbairt agus úsáid na n-acmhainní sin a chur chun cinn i measc na scoileanna
- Freagrachtaí maidir le seirbhísí taca a chur ar fáil do scoileanna, lena n-áirítear, Dianchúrsa COGG, cúrsaí ar line, ceardlanna agus seimineáir ghréasáin, agus Veain COGG
- Ról ceannasach forbartha agus rialaithe cáilíochta don tairseach acmhainní iar-bhunscoile atá ag COGG (An Tairseach)
- Comhairle agus comhoibriú leanúnach le seirbhísí tacaíochta eile, mar a bhaineann le soláthar d'iar-bhunscoileanna lán-Ghaeilge agus Gaeltachta

- Comhoibriú leanúnach le múinteoirí d'fhonn freastal ar a gcuid riachtanais ghairmiúil agus phraiticiúil
- Freastal ar chruinnithe agus ócáidí eile agus labhairt ar son COGG
- Ionadaíocht thar ceann COGG ar choistí agus ar ghrúpaí forbartha eile
- Gnáthchúraim riaracháin agus oifige a chur i gcrích agus aon obair ábhartha eile a thiocthadh chun cinn agus a d'iarfadh an bhainistíocht shinsearach orthu a chur i gcrích

### 3. Riachtanais

Caithfidh na hiarratasóirí ar fad:

- a bheith cáilithe mar mhúinteoirí nó an-taithí a bheith acu ar fhorbairt acmhainní teagaisc d'iarbhunscoileanna
- eolas cuimsitheach a bheith acu ar chóras oideachais na hÉireann, oideachas Gaeltachta agus lán-Ghaeilge ach go háirithe
- eolas cuimsitheach a bheith acu ar theagasc na Gaeilge
- ardchaighdeán a bheith acu i labhairt agus i scríobh na Gaeilge
- sárscileanna cumarsáide agus cur i láthair a bheith acu
- scileanna sa teicneolaíocht dhigiteach a bheith acu

### Inmhianaithe

- Cáilíocht TEG, Leibhéal B2 nó níos airde
- Taithí ar fhorbairt acmhainní teagaisc
- Taithí ar theagasc i scoil Ghaeltachta nó/agus lán-Ghaeilge nó/agus i scoil ina bhfuil an Béarla mar mheán teagaisc
- Cáilíocht iarchéime ábhartha
- Scileanna agus taithí ar a bheith ag obair le suíomhanna gréasáin agus le meáin dhigiteacha

### 4. Luach saothair

Seo a leanas scálaí tuarastail Oifigigh Oideachais:

56,278 59,860 62,413 65,064 67,716 70,338 72,543 77,626 82,214 86,873 90,655  
93,575 BFS\*1 96,504 BFS2 \*Incrimint fadseirbhíse

Ceanglaíonn beartas an Rialtais gach post a líonadh ag an gcéad pointe den scála. Ach duine ar bith a cheapfar ar iasacht ón earnáil oideachais agus a bhfuil tuarastal níos airde acu ná an chéad pointe

de scála na n-oigifeach oideachais féadfaidh é/í a chur ag pointe oiriúnach ar an scála cuí. Féach go bhfuil liúntais agus a gcur chun feidhme faoi réir athbhreithniú leanúnach ag an Roinn Caiteachais Phoiblí agus Athchóirithe agus d'fhéadfaí iad a athrú. Lena chois sin, d'fhéadfaí an ráta luach saothair a athrú ó am go chéile ar aon dul le beartas pá an Rialtais agus tá an tuarastal faoi réir gach asbhaint reachtúil, lena n-áirítear asbhaintí a bhaineann le pinsean.

## 5. Saoire bhliantúil

Tríocha lá oibre a bheidh sa liúntas saoire bhliantúil, pro rata d'fhad an chonartha. Liúntas é sin a bheidh faoi réir na ngnáthchoinníollacha maidir le deonú saoire bhliantúil agus atá bunaithe ar sheachtain oibre cúig lá. Ní áireofar air na gnáthlaethanta saoire phoiblí.

## 6. Suíomh

Tá oifig ag COGG ag 23 Plás Windsor, Baile Átha Cliath 2. **Beidh ar na daoine a cheapfar a bheith i láthair san oifig go rialta ach** d'fhéadfaí socruithe oibre neamhchaighdeánacha a éascú, ar a n-áirítear, obair i suíomh oifige gar don bhaile.

## 7. Comhdheiseanna

Eagraíocht chomhdheiseanna is ea COGG.

## 8. Eagar an chomórtais

Tá an ceart ag COGG iarratasóirí a ghearrliostú. Déanfar seo de réir chomhlíonadh na riachtanas thuasluaite. Seolfar ríomhphost le sonraí agallaimh chuig na hiarratasóirí ar an ngearrliosta.

Beidh na hagallaimh ar siúl i mBaile Átha Cliath. Bunaithe ar thoradh na n-agallamh, d'fhéadfaí painéal a bhunú a mhairfeadh ar feadh bliana ón agallamh.

Ar bhonn **agallamh iomaíoch** a dhéanfar an roghnú. Beidh an t-agallamh bunaithe ar na hinniúlachtaí a bheidh riachtanach chun dualgais agus freagrachtaí an phoist a chomhlíonadh, faoi mar atá leagtha amach sna liostaí riachtanas don phost:

- Cáilithe mar mhúinteoirí nó an-taithí a bheith acu ar fhorbairt áiseanna teagaisc
- Cáilíocht ábhartha iar-chéime

- Eolas cuimsitheach ar chóras oideachais na hÉireann, oideachas Gaeltachta agus lán-Ghaeilge ach go háirithe
- Taithí teagaisc
- Sárscileanna cumarsáide agus idirphearsanta
- Scileanna sa teicneolaíocht dhigiteach
- Ardchaighdeán i labhairt agus i scríobh na Gaeilge:

Roimh an bpríomhagallamh, beidh triail scríofa Ghaeilge ag leibhéal B2 le déanamh ag iarratasóirí sa Ghradam den Fhráma Tagartha Eorpach (Féach [www.teg.ie](http://www.teg.ie)).

## 9. Iarratais

Cuirfidh iarratasóirí an dá dhoiciméad seo ar fáil:

- litir iarratais ag léiriú mar a chomhlíonann siad riachtanais an phoist
- CV le hainmneacha beirt mholtóirí

Agus is gá dóibh seoladh ríomhphoist agus uimhir ghutháin póca a chur ar fáil leis an iarratas.

### An tAcht um Chosaint Sonraí 1988/2003

Nuair a fhaightear iarratas, cruthaítear taifead in ainm an duine le pé eolas pearsanta a cuireadh ar fáil. Is don phróiseas earcaíochta amháin a úsáidfeadh an t-eolas sin. Is faoi réir fhorálacha na nAchtanna um Chosaint Sonraí 1988 agus 2003 a dhéanfar seo. Tá de cheart ag an duine faoi fhorálacha na nAchtanna sin aon eolas a bhaineann leis/léi a fháil ag am ar bith. Trí iarratas a dhéanamh tá cead á thabhairt ag an duine dúinn sonraí pearsanta a phróiseáil, fiú más íogair iad. Scríosfar na sonraí pearsanta tar éis tréimhse 12 mhí.

## 10. An dáta druidte

Seol an litir iarratais agus an CV chuig [poist@cogg.ie](mailto:poist@cogg.ie) ag tráth nach moille ná **8 i.n. Dé Céadaoin 5 Deireadh Fómhair 2022.**

Admhófar gach iarratas, ach mura gcuirtear admháil amach laistigh de 5 lá, cuir sin in iúl d'Oifig COGG.

Má tá athrú ar do sheoladh poist agus/nó ar do sheoladh ríomhphoist, cuir sin in iúl do COGG láithreach.

## **11. Cáilitheacht**

Meabhraítear nach ceadmhach d'iarratasóirí cur isteach ar an gcomórtas seo má bhain siad tairbhe as na scéimeanna scoir seirbhís phoiblí leagtha amach thíos.

### **An Scéim Luathscoir Dreasaithe (SLSD)**

Coinníoll is ea é den Scéim Luathscoir Dreasaithe, mar atá leagtha amach in Imlitir 12/09 na Roinne Airgeadais, toirmeasc a bheith ar lucht scoir, faoin scéim sin, iarratas a dhéanamh ar phost eile san fhostaíocht nó san earnáil chéanna. Mar sin ní ceadmhach don lucht scoir iarratas a dhéanamh ar an bpost seo.

### **Imlitir na Roinne Oideachais agus Scileanna 7/2010**

Tugadh isteach le hImlitir 7/2010 na Roinne Sláinte agus Leanaí Spriocscéimeanna le haghaidh Luathscor Deonach (VER) agus Iomarcaíocht Dheonach (VRS). Coinníoll is ea é den scéim VER nach mbeidh daoine a bhaineann leas as an scéim cáilithe lena n-athfhostú in earnáil na sláinte poiblí ná sa tseirbhís phoiblí i gcoitinne ná i gcomhlacht a mhaoinítear go hiomlán nó go páirteach le hairgead poiblí. Baineann an toirmeasc céanna ar athfhostú leis na scéimeanna iomarcaíochta ach amháin nach mairfidh an toirmeasc ach seacht mbliana, agus go mbeidh athfhostú ina dhiaidh sin faoi réir cheadú an Aire Caiteachais Phoiblí agus Athchóirithe. Daoine a bhain leas as aon cheann den dá scéim sin níl siad cáilithe le cur isteach ar an gcomórtas seo.

### **Dearbhú:**

Iarrfar ar iarratasóirí dearbhú a thabhairt cé acu a bhain siad nó nár bhain siad leas roimhe seo as scéim luathscoir dreasaithe seirbhís phoiblí. Beidh ar iarratasóirí, leis, dearbhú a thabhairt maidir le haon teidlíocht atá acu ar phinsean Seirbhís Phoiblí (atá á híos nó á chaomhnú) ó aon fhostaíocht Seirbhís Phoiblí eile agus/nó cé acu a fuair siad nó nach bhfuair siad íocaíocht in ionad i dtaca le haon seirbhís in aon fhostaíocht Seirbhís Phoiblí.

## **12. Rúndacht**

Faoi réir fhorálacha an Achta um Shaoráil Faisnéise, 1997, déileálfar le hiarratais faoi rún daingean.

## **13. Freastal ar agallamh**

Faoi na hiarratasóirí a bheidh sé a bheith ar fáil chun agallaimh agus pé socruithe is gá a dhéanamh chun a chinntiú go bhfaighidh siad teachtaireachtaí a sheolfar chucu ag an seoladh r-phoist a shonraítear san iarratas. Ní bheidh COGG freagrach as costais arna dtabhú ag iarratasóirí.

## 16. Ceisteanna

Má tá aon cheist agat faoin bpróiseas nó faoin bpost seol í chuig [poist@cogg.ie](mailto:poist@cogg.ie)